GERARDO DI PIETRO

POESIE IN DIALETTO MORRESE

UNIFICARE LA SCRITTURA DEL DIALETTO CAMPANO

Una delle dolenti note nello scrivere in dialetto campano è il fatto che, ognuno scrive come gli pare e piace, senza regole comuni per tutta la Campania.

Pubblicai già un articolo, preso da "Torreomnia", vocabolario in dialetto di Torre Annunziata, dove chi scriveva lamentava anche la stessa cosa.

Spesso, coloro che scrivono in dialetto, mettono gli apostrofi al posto delle lettere che non si pronunziano, per far sì che i lettori possano leggere correttamente quello che è scritto.

Questo, però, avviene solamente perché gli scrittori dialettali non si uniscono per fissare delle regole di scrittura e di pronunzia, valide per tutta la Campania.

Se vogliamo che il dialetto campano diventi una lingua, dobbiamo rimediare a questa anarchia di scrittura, e sarebbe ormai ora che si fissassero delle regole comuni, compilando anche una grammatica campana. Questo non toglierebbe nulla ai diversi dialetti che si parlano nella nostra Regione, ma li renderebbe leggibili dappertutto, anche da coloro che non conoscono il nostro dialetto. Il lettore saprà finalmente come deve pronunciare le parole che contengono delle lettere che non si pronunziano, p. es. la 'e' (a); saprà come si pronuncia il gruppo di lettere 'ddru', 'chiù' (kju), ghiu, (gju) 'š' '(tf)' e altre

consonanti o vocali che ricorrono in altri dialetti campani, che si discostano dalla pronuncia normale.

Forse si potrebbe organizzare a Morra un piccolo congresso degli scrittori dialettali campani per fissare queste regole.

Sarebbe un'idea, a Morra c'è chi scrive in dialetto morrese, sarebbe il posto ideale per dare un impulso in questo senso.

GERARDO DI PIETRO

Gennaio 2005

Adesso nell'ultimo libro di poesie di Emilio Mariani sono state adottate queste regole che io avevo suggerito.

IL DIALETTO ANARCHICO

Esprimere ciò che si pensa nel proprio vernacolo, è cosa facile, se l'altro è un nostro simile; i "primati" anche lo fecero. Dialettar con penna e inchiostro è più difficile, a causa dei segni grafici. -L'importante è farsi capire! - Alcuni dicono. Non ci son regole, evviva il dialetto anarchico. SCR'VIMM' CUMM' N' PAR' E PIAC' fa bella mostra per le sincopi. Quando questa gente "torn'n' a r' cas' s' mang'n' r' cas' Scusate, cosa sottintende quell'apostrofo? Una e, o una u ,al limite? C'è chi preferisce distinguere e "tornene a re case pe se mangià ru casu. A me sembra più chiaro e facile. Al tramonto ormai era il nostro vernacolo, e c'è chi cerca di tramandarlo ai posteri. Ma, alla fine, poche regole cosa guastano? È solo un dialetto, è vero, lingua di poveri, di contadini che mai il futuro ebbero, ma perché noi posteri benemeriti ci rifiutiamo di cucirgli un abito?

NATALU

Din din, din din, din din, nu suonu allegro di ciangianiéddri arriva da lundano, véne a Morra da nu luogu stramànu. Stai arruénne pe purtà l'allegria, babbu natalu, ca faci tutta sta vja. L'Angeli ngiélu s'hanne puósti nfrusciu, chi se faci li ricci, e chi s'appulizza re scéddre, chi prova li candi, e chi re ciaramèddre e chi se métte la vésta liggèra de pilusciu. Natalu è ghjuornu de fèsta e d'allegrja, tutti so cundèndi, tutti se volene bène, nu bène probbiu leggittemu e veraci, ma dind'à stu munnu nun ngè angora paci. A cèrte nazzione de stu munnu. add'è natu lu Bambinèllu. l'Angeli nun scénnene da lu ciélu, pe candà la paci e la gloria a lu Signoru, ma scénnene re bombe ch'accidene re criature, e lu Bambinu chiangi pe tuttu stu duloru, pecché è menuto apposta ngimm'a la tèrra pe ne purtà tanda gioja e tand'amore. L'Angeli se cummogliene l'uocchi cu re scéddre ca nun bolene vedé tutte ste guèrre, lore vuléssere paci ngimm'a la tèrra. A li tiémbi nuosti, quannu ju era guaglionu, puro addù nnui ngèra la guèrra, li patri a lu frondu, re mamme a penane

pe li figli ca nun teniénne che mangiane. Ma a Natalu ngèra sèmbe coccosa ngimm'a la tavula de li puveriéddri, cocche gaddrina, ru baccalà, re zérpele, o sulamènde na spasètta de cavatiéddri. A la Vigilia po' a re case se mangiava spaghetti agliu e uogliu e paparuolu amaru ca l'appetitu chióssai te scazzecava. A Natalu se ija addò donn'Emilia De Paula p'ammirane puru nui lu presèbbiu, gruossu, cu li pasturi, ngimm'a na tavula, pècure, Maggi e la Sagra Famiglia. Donn'Emilia, na véra signora, ne facja bacià lu Bambinèllu, po' ne dja cocche purtuallu, cocche tarallu o nu paru de mandarini, e nui ne stjéume cittu, sènza fà ammuìnu. A la séra, assettati nnandi a lu fuculìnu, li viécchi sfruculiavene cu la palettéddra lu ciuoppero anneurutu e murtacinu; a migliare s'auzavene re scatéddre. Mènde la voria frischiava pe lu cacciafumu, e fòre lu viéndu arrigliava la néva a li canduni, li viécchi ne cundavene tanda cundi antichi. A mèzzanotte re gènde tutte mbustate jénne a la ghiésia pe salutà lu Bambinèllu, ca probbiu tannu era appéna natu. Puru da la cambagna arruavene li cristiani pe se sènde la méssa de lu Sandu Natalu. Ju spissu, mènde pènsu, m'addummannu

pecché da duimila anni stu Sandu Bambinèllu véne addù nnui pe mmiézzu a ste guèrre ca nui cundinuammu a fà ngimm'a sta tèrra. E la resposta ca me véne a mènde è sémblici sémblici, cumme ju aggiu penzatu: lu Bambinèllu véne pecché angora créde a la bundà de l'uommeni c'ha crjatu

NATALU DE NA VOTA

Memoria de Voria e Réglia ngimm'a La Téglia, Lu chiatru! Se sciuculava Quannu ija A la scola. La vrascéra Cu li carrauni Murtacini Lu friddu! Lu friddu! Cu re mane jlate. Neva e puluinu, Assettatu accuostu A lu fuculinu Sfrucunejava Lu ciuopperu. S'auzavene re Scatéddre. E la voria ménava E frischjava Pe dind'a lu cacciafumu. Ouist'annu me vène Tutto ammènde Cumme si fosse Statu aiéri. Cu sta néva fetènda

Gennaio 2004

L'ABBUFFATA DE NATALU

Quannu arriva Natalu, signuri miéi, la gènde s'affanna già nu mésu prima pe gghì accatténne li rjali chiù custusi, ch'hanna fà bèlla fegura cu l'amici. Paisi e città so' tutti in muvimèndu. tutta la tridicèsema spènne la gènde, mènde li sambugnari vanne sunénne cu pifferi, sambogne e ciaramèddre. Lu munnu è triste, ma a nisciuni se ne mborta pecché Natalu è già adderèt'a la porta, pe nui è festa d'allegria, ma tanda gènde se la passa affamata mmiézz'a na vja. Se faci a gara pe gghi accattènne li rjali, e ru baccalà, la carna, e tandu bène de Ddiu, se pènza a lu Presèbbiu, a l'alberu de Natalu cu tanda marcangégni e lambadine: e quannu l'Angeli candene da lu ciélu la ninna nanna de paci a lu Bambinu tutti ne credimmu chiù buoni e chiù unesti mende sendimmu r'angeleche meludie. Nun appéna simu assuti da la ghièsia currimmu a casa nosta addù n'aspètta la tavula apparicchiata, e a li puveriéddri chi ngi pènza chiù mènde facimmu fèsta? Lu Bambinèllu de plastica surride, quasi cumme si ne vulésse nguraggiane

a festjà la nasceta soja; puveriéddru dind'a na capanna, cumm'a nu pezzèndu.
Nui mangiamu e spacchettamu li rjali tutti cundièndi, sènza mai penzane ca probbiu dind'a quiddru mumèndu tanda gènde more de friddu e de fame.
A la fine, doppu ca la panza è chiéna me vuliti dì che n'avimu guadagnatu?
Nu malu de stommecu pe nu paru de juorni, e lu Bambinèllu ca da la stalla n'ha guardatu mènde nui, ca ne chiamamu cristiani, nfacci' a Iddru puveriéddru cumm' è natu faciéume vedé cumme n'abbuttaume e ne inghiéume la trippa cu na mangiata.

LU CHIATRU MMIEZZ'A LA VJA

Che maravéglia, s'è accunzatu lu tiémhu! Sta néva e stu friddu nun se ne parja a gghi da sti paìsi. Re bbie chiatrate ca nun se putja cammenà si nun te stivi attiéndi te spetezzavi li rini. Lu Cumunu dicia ca nun se pote menà ru salu pecché se guastene re prète c'hanne puostu mmiézz'a la vja. Nui murrisi simu ndelligèndi ngi tenimmu chiù a re prète ca a re cosse de re gènde. Li poveri viécchi ch'aviénna j addu lu dottoru o a la farmacia, nun sapiénne cumm'aviénna fa pe nun sciuculà pe la vja. La néva se ne ja, ma lu chiatra rumanja, pe gghiuorni e gghiuorni s'èra nghiangatu ndèrra, quéddru pocu ca se schiatrava a lu juornu, a la notte cu lu friddu canu ca facja se jlava n'ata vota, e s'accumingiava da capu a gghì a l'attanduni pe mmiézz'a la vja. Mènde scennja pe Via Roma e vedja cumme s'èrene redotte re bbje, pensava:

- Ma pecché hanne fattu tanda fatja, cu re prète nove e tuttu stu ccimèndu? Forse era mègliu ca re lassavene cumm'èrene prima, quannu re gènde putjénne mègliu cammenà. Èrene prète vive e nge putivi menà quanda salu vulivi. -Mo' re prète vive r'hanne tutte ittate e ngi'hanne poste re prète delicate. Si re mettiénne cumm'èrene prima se sparagnavene li soldi, tandu velénu e nu saccu de fatja. Ma, cumm'è spissu, dindu a sti pajsi, se guarda chiù a l'apparènza, ca a la cummedetà pe li murrisi. Mo speramu ca pe st'annu sia tuttu fenutu. Penzamu a la bèlla staggiona e scurdammene stu viérnu futtutu.

CHI STAI A LA LUCI E CHI A LA SQRUJA

A Morra hanne fattu na bèlla truata e Piazza San Roccu hanne allumenata. Quannu passi a la notte pe sta via Pare juornu e nun ng'è chiù la sqruja.

Lu Sandu ngimm'a la guglia è sudisfattu ca mo sta bèlla chiazza ngi 'hanne fattu. Ma si te spuosti da cimma a ddu lu Bbuonu ngè sqrja tèrra cumm'a Costa de Tuonu.

E si m'affacciu nnandi a casa mia A San Roccu è ghiuornu e ju stavu a la sqruja. Si vai a l'ufficio tecnico a reclamà dicene ca è l'ENEL ca ngi'adda penzà.

Passene li juorni, e passone li misi ma l'Enel nun ngi véne a sti paisi. L'ufficiu tecnico ogni tandu te cunzola e tu aspiétti quannu lu ciucciu abbola.

LI FRATI CHIÙ GRUOSSI

Da quannu Cristu ngimm'a lu munnu è arruatu ne disse ca nui simu tutti quanda frati. Ngi divu lu ngarrecu a li discibbuli sui de predecà a lu munnu quéddru ca Iddru dicja. Ne disse d'èsse li sièrevi de tutte re gènde, ca chi gruossu se faci ndèrra, nciélu nun vale niendi. Passarene l'anni e cangiarene re cose; cèrti frati se dèrene li tituli e se fécere servine da li frati chiù picculi ca avienne ubbedine. Tutti se scurdare de lu messaggiu d'amoru ca avja datu nostru Signoru. Accumingiarene a accide, a squartane, a appicciane, tutti li frati ca nun buliénne cumme a lore penzane. Doppu ca aviénne fattu na bèlla carneficina pregavene Diu séra e matina. Da l'alto èrene prutietti e appruati, abbasta ca accidiénne sulu quiddri ca s'èrene refiutati de tradì lu messaggiu de Cristu de perdonu e de paci cu tutti li frati. Accussi è stata sèmbe la storia. quiddri ca dicene la veretà so' udiati e a chi allécca li piedi lu portene gloria.

LU MURRESU A LA FRUNTIERA

Quannu lu murrèsu arriva a la fruntièra pe la paura ngi vatte lu coru: vède re guardie e guarda la muglièra e tutt'e ddui cangene culoru.

Prusutto, casu, vinu e supersate, farina, paparuoli e tanta cose dint'a l'autumobbelu so accuate, sott'a cupèrte e dint'a re purtose.

- -Teniti cocche cosa a dichiarane ?-
- -Nun portu niènti- dici e trema tuttu,
- -Nui simmu stanchi, lassatene passane-E la muglièra accova lu prusuttu.

La guardia gira attuornu suspettosa, e lu murrèsu, cumme fosse niènti, guarda lu figliu e pènza n'ata cosa e tutt'e ddui fanne li nnuciènti.

E quannu finalménte dici :-Passaquest'ata tèrra nunn'é cchiù stranièra pecché lu paisieddru ch'iddru lassa nzièmi cu lore passa la fruntiéra.

LU SULDINU

Sott'a nu sularinu nfracitatu truai nu soldu picculu de rama e l'accugliètti, era tutt'ammaccatu, era arramatu e spuorcu de lutama.

A casa lu passai cu l'arèna, l'appuluzzai cumme fosse d'oru : guardai la data, se vedija appéna, chiudiètti l'uocchi e me vattivu lu coru.

Lu milli e noviciènti trèntanove tantu luntanu e mò quasi scurdatu, pe l'aria se sentiènne cose nove: fu l'annu ca la guèrra n'é purtatu.

M'arrecurdai ca a l'Addulurata, quann'arruava a mièzzijuornu l'ora ca la gènte era tutta accalurata, vennièume l'acqua da la miscitora:

nu soldu nu bicchièru d'acqua frésca, mmièzz'a li vuoi, li ciucci e gaddrine, si arruavi a tre lire "...vattela pèsca " fuièume a accattà re caramèlle fine.

Attuornu a lu petricchielu accuculati jucaume a soldi da matina a sèra,

quannu fenièume erene tutti ammaccati, nun se vedija addò capu o croci era.

Li soldi se vediènne pocu o niènti, re gènte s'arrangiavene pe mangiane, chi nun tenija, ija addù li pariènti, ma nisciuni se murija mai de fame.

Vetaleve e vèttele de cucozze, ngimma a re Coste èrene li funucchi, vièrsu la sèra te spunzavi re tozze, pocu mancava e te mangiavi li stucchi.

Ménte li patri jénne a fa la guèrra re mamme stiènne a casa a fategane, e chi cusija, chi arava la tèrra, chi se sderrenava pe ghì a zappane.

Ciénti grammi de panu a persona, li maccaruni, la farina e r'uogliu, era tuttu razziunatu da l'annona, e ...chi vulija de chiù...facija mbruogli,

Li giuveni cantavene "Giuvinezza" e a la Russia muriénne lì suldati; quanta misèria, quanta tristézza! dint'a sti paisi scarugnati.

Juornu e notte sentivi lu rumoru

de li "caccia" e bumbardiéri amèricani tenivi paura e nunn'assivi fore mangu quannu re bombe erene luntane.

Po' arruavu la capitulazzione e pe l'Italia fu na cosa amara, pecché arruavu l'occupazzione e lu soldu era pèzza a la callara.

A tanta storia, a tanta avvéniménti cu stu suldinu m'aggiu arrecurdatu, ma puru tannu ereme chiù cuntiénti: Chi sà pecché è bèllu ru passatu.

Febbraio 1986

RU PANU DE NA VOTA

Na vota ru panu èra n'ata cosa, custava sudoru e se facja ncasa, era na tradizziona de famiglia, e se ru nzengavene da mamma a figlia. Era buonu, cruccandu e speselatu, e non se ntustava sulu doppu na jurnata. A la séra lu criscitu se preparava dint'a la tazza, e po' se cumigliava e se mettja a ru caudu dint'a la cénnera de lu fuculinu A re tré de notte, quann'era lu turnu, lu furnaru ija girènne attuornu, chiamaya a nnomu sott'a lu barconu e alluccava c'haviva mbastane. La farina era già dint'a la fazzatora, se mettja lu criscitu e l'acqua a pocu a pocu, pò cu re mane se menava la pasta, finu a quannu nunn'era mbastata bona. Doppu se cumigliava cu lu mesalu, pe la fa crésci e, si facja friddu, se mettiénne puru re cupèrte. viérsu la matina tornava lu furnaru e comandava a la fémmena de scanane,. Grosse, tonne, se faciénne re scanate, ngimma cu lu curtiéddru se tagliava na croci pe re benedine,

po', pe nu re fa mbrugliane, cu quéddre de r'aute dinda lu furnu, se mettija lu ségno ngimma. Ngimm'a na tavula se purtava a nfurnane, tutta vantosa la fémmena l'abbelanzava, ngimma a la spara, pe ffa vedéne ca nunn'era puverèddra e avija fattu tanta panu. Da piccalu a gruossu mangiavi ru panu tuiu, cumme r'aviénne mangiatu l'avi; ru pana era tuttu: si non tenivi lu cumpanaggiu mangiavi panu nfussu dint'a l'acqua, o dind'a lu vinu. e, a chi nun tenjia niéndi, ru panu nfussu parja na cosa fina. Quannu arruavene a casa re scanate mangiavi quattordici juorni prima de re fa n'ata vota, Oj ru panu se vai a accattane e nun ngi può dì de ru fa cumme vuoi, pigli li soldi, paghi e te ne vai: po', che te mangi mangi, so affari tuoi. Mo so ati tiémbi, re cose vècchie so passate, e ru panu nuosto non se faci chiu ncasa, ma te ru portene fatto e bbuonu da Vallata E se perisce doppu poche jurnate.

VIERNEDI' SANTU

Oi l'hanne nchiuatu ncroci. l'hanne sputatu nfacci e fragillatu, de tanta gènte nun ngèra chi na voci pe lu difènde avésse azzardatu. Guarda re facci de quiddri ca attuornu aspèttene ca more lu Signoru Chi ride, chi lu sfotte, chi lu pongi cu la lancia dint'a lu coru. E mmiézz'a tanta gènte ca jastéma, ngèia la Mamma, tutta addulurata. ca se despèra e chiangi pe lu Figliu, ca pe colpa nosta hanne nchiuatu. Oi se chiangi, E mancu Gesù Cristu ménte ca more e lu Patru prèga, pènza a la Pasqua ca adda venine Quannu risorge P'acchianà a lu Ciélu.

L'ARIA NUVÈLLA

La nèva ha cupièrtu la campagna e nfarenatu puru la città, jancu è lu tittu, janca è la muntagna, lu ciélu è scuru e vole nevecà. Frischéia la voria. e l'alberi spugliati de frutti e pampene cu l'ancuni abbasciati, pare ca cerchene piétà. Gèlu è attuornu, chiatru dint'a lu fiumu, lu vicchiariéddru s'accosta a lu cacciafumu... Ma a la notte, cumme pe mascija, n'aria nuvèlla faci ruiglià lu coru, lu munnu è friddu ma dint'é primavèra pecché è natu Cristu Redentoru.

Gennaio 1987

La poesia in dialetto che segue è di mia zia Letizia Siesto, che allora aveva 78 anni.

LU TARRAMOTU

Cu lu tarramotu de lu uttanta se vestèru tutti quanta, signore e signurine cu stuali e giubbini.

Cu li soldi de Zamberletti, si sapiti che tulètta! cu li soldi de li bicchieri s'accattare re schaffunière,

cumme erene desperati scasciare puru l'Annunziata, Tarramotu, tarramotu mò ei'arruane n'ata vota

ca li soldi sò funuti e sò rumasti tutti nudi. chi muria e chi alluccava e chi a tavula mangiava,

si vedivi dint'a la scola te venja lu malu de coru. E li poveri vicchiariéddri nunn'angappare probbiu niénti

A chi la casa nunn'èra rotta mo l'hann'avuta n'ata vota, e a chi è sgarrupata stai ancora a li prefabbricati.

Siesto Letizia

QUANNU NASCIETTI IU

Lu milli e noviciénti e ottu quannu nasciètti ju, tantu de lu friddu ca facija, ca dint'a re botte chiatrava puru lu vinu.
Di quiddri tièmpi cu na grande desperazziona arruavu puru lu tarramotu pe cunzulazziona: cadivu Melfi, Casamicciula e Messina, e nu rumanèru mancu re gaddrine.
Ju dint'a la connela chiangija e allucava, mamma, puverèddra ca se desperava: -Che ngi si nata affane, Nunn'abbastava la fame ca ngè cquane?
Puru lu tarramotu aviva purtane!

Siesto Letizia Febbraio 1987

LA FESTA DE LU SANTU PATRONU

A la fèsta de lu Santu Patronu doppu lu panaggirecu, vène la pregissiona. Re gènte aspèttene mmiézz'a la via ca lu fuchistu spara la battaria.

Nnanti, nnanti vanne re crijature, re fémmene apprièssi cu lu maccaturu, mmièzz'a re gènte la statua de lu Santu e tutti nziémi ntonene nu cantu.

La musica sona"Viva Maria" re gènte dicene la litania, lu prèutu nnanti tuttu sudatu ca è miézzu juornu e lu solu è nfucatu.

Ogni tantu s'accosta cocche devotu e appènne a lu Santu n'aniéllu pe votu, quannu doppu n'ora fenisci la passiata tutti se sèntene l'anema purificata.

A la sèra po' è fèsta e allegrija ~
e se passa lu tjèmpu vevènne
ncumpagnija, cu fuochi d'artifiggiu
e mbriacata,
e pènzene tutti ca lu Santu è unuratu,
ma nisciuni s'arrecorda ca quannu èra ntèrra
nun vulija unori, e nun vulija guèrra,

vulija sulu fa la penetènza e tené mpaci cu Diu la cusciénza.

Ma tutti malamènte l'avimmu capitu e, invéci de la cusciénza, abbellimmu lu vestitu. La murale de la storia è quésta: -Vulimmene primu bène e po' facimmu fèsta.

Ottobre 1986

LU NIDU NGIMMA A LA FENESTRA

Nu juornu nu passeru vola ngimma a la persiana de la fenèstra addu fatigu iu, dint'a lu pizzelu tène nu filu de fiénu pe se fa' lu nidu. Cuntèntu tèsse lu nidu de paglia e ju nun tèngu lu coru de ngi di' ca sta vota se sbaglia. Ménte faci lu nidu me guarda cumme dicésse-Lasseme ine! Lasseme fa la casa pe li figli addo vogliu ju-. Ju guardu e capiscu che bbole, e nun chiudu chiu la persiana. Probbiu aièri scuzzarene r'ove e lu passeru è tuttu affaratu: Porta viérmi e muschiddri, acene de granu e griddri, e pare me vulésse di grazzie ca nu l'aggiu scunzecatu Quannu sèntu cantà a la fenèstra cocche vota me mèttu a penzane : Quant'é bèlla la vita de stu passeru ca tuttu lu juornu stai sèmpe a cantane.

Febbraio 1987

FA LA VIA C'AIA FANE

Quannu camini e camini e te pare ca numi'arrivi mai, quannu stancu te vulissi fermane, quannu longa te pare la via, quannu nisciuni te téne cumpagnija, quannu lu juornu é arruatu vièrsu sèra e l'uocchi se chiudene a l'uldema spèra, fatte curaggiu e nun t'abbalène. fa la via c'ancora haia fané primu ca la sqrija véne. Nun pèrde tiémpu, nun te vutà adderètu pe vedè chi véne apprièssi, nunn'esse arrecuiètu, lu repuosu te l'hai ammeretatu, nun sèrve a niéndi guardane ru passatu.

Aprile 1987

JAMMU A LA FÈRA

Jammu a la fèra, ja! Hai attaccatu lu purcièddru? E lu ciucciu l'hai apparatu? Teh lu jacculu pe la crapa. Jammu, ja! Adduè la cammesola? E re pènne a lu cappiéddru? E la spingula pe la giacchètta? Addueja Ciccariéddru pe sunà lu ricanèttu? Camina, tata s'è già abbijatu a la via de la Isca. Oj è fèsta, oj se vénne, ciucciu miu, tiénete férmu, ca si vènnu la crapètta na peddruzza aggia piglià. Chianta re zéppe a stu cantonu p'attaccane l'animali! Eccu, mò véne lu zanzanu ca lu puorcu vole accattà. Milli lire? Meh, vattinne, mancu pe lu ngrassane— Duimila lire m'haia dane...--Milli e ddoi, nunn'è grassu, é patutu l'animalu.-—Milli e ottu si lu vuoi: ng'èggiu datu la ciambotta

de caniglia e granudiniu méh! facimmu milli e ottu...--Milli e cincu, e tè la manu !--Milli e cincu? È rialatu... méh, pigliatillu, ma quann'è Sanda Lucia t'è piglià n'at'animalu. Guarda, guà... lu vennetoru cu li lacci e crumatina'. Ma che caudu e l'arsura e re mosche cavalline ca te pongene la facci...., mò me ne vavu a ru friscu a mangiane a la cantina. Oj è fèsta, ciucciu miu, e muséra quann'è squrija ju t'angappu pe la coda e cantènne e ndrunguliènne m'hai purtà a la massarija. Devertimmene, panza mia, ca dumani po' fenisci pe nnui tutta l'allegrija

Maggio 1986

FINALMENTE E' ARRUATA

Stammatina ju m'aggiu arruigliatu tuttu cuntèntu, sènza sapé pecché, da la fenèstra trasija cumm'a nu jatu, n'aria suttila ca arruava finu a mé.

Cumme si m'avèsse vasatu cocchedunu ca da tièmpu nun vulija chiù arruà, ma attuornu a mè nun se vedija nisciunu e la fenèstra apriètti pe guardà.

Nu venticiéddru caudu e addurusu me vénne nfacci pe m'accarezzà, sènza parole,quasi scurnusu, parija dine: - La primavèra è quà.

Probbiu sott'a lu tittu me guardava na rundinèlla mènte stija a cantà, dint'a a l'uortu nu fiuriddru affacciava la capicèddra, pe me salutà.

Li juorni curti, li juorni freddulusi st'arièddra nova me faci già scurdà. Re case aprimmu addò simu nchiusi, ca primavèra è n'ata vota quà.

Aprile 1985

LU PICCIONU

Palummèddra janga, janga Ch'èrruatu finu a qua, nu ru bbidi ca sì stanca? tu t'aviss'arrepusà

Da luntanu so' venuta pe purtà la paci a té, ma nisciuni m'è sentuta, qua nisciuni vole a me.

Palummèddra volatinne, nun venirci chiù a truà, li farcuni nui vulimmu, li picciuni ch'hanna fà?

Care gènte mèje sentiti : Nun sò stanca, nè abbaluta, puru si vui nun me vuliti ngé coccunu ca m'aiuta.

Viett'è ancora la matina, e la squrja ancora ngè, ma lu munnu già camina pe purtà la luci a tè.

Tannu l'uocchi puoi aprine e fenisci de sunnà, ca a quist'odiu sulu fine la palomma pò purtà.

VIÉRNU VATTINNE

Vièrnu, pecché nun te ne vuo ine? é fattu nevecà a tutti li puntuni, é fattu chiatrà puru laghi e fiumi, facisti cadé peffinu li pini a Roma. E' ancora priéstu, hai raggione, ma quà la gènte è stanca de stà néva, quistu tiémpu notte e ghiuornu scuru te faci nfreddulì puru lu coru. Solu stancu, ca jéssi tardi a la matina, mittete nnanti dui paricchi de vuoi pe te fà accustà a la tèrra chiù vicinu e la nfucà cu na bèlla spéra toja. Già qua e ddrà scocchene li fiuri, cocc'aucièddru faci già lu nidu, ma primavèra nun s'azzarda ancora mmiézz'a tutta sta neva a cumparine. Ngè tanta gènte ca vole apri lu coru a l'aria fina e lu prufumu nuovu. Viérnu, vattinne! Nu re fà suffrine, Ch'hai già fattu lu duvéru tuiu

LA CUNDANNA

M'auzu a la matina e èscu fore, è ancora notte e nijuru lu ciélu, re gènte dormene, sulu lu lattaru enghi li càccui nnanti a li purtuni.

« Attuomu, attuornu ngèja tanta néva, mènte durmiéumu è nevecatu assai, mmiézz'a la via nun ngè na pedata, sulu la mia ca me lassu adderètu.

Dint'a la borza la culaziona e doia-tré carte pe stampà lu giurnalu, corru nzacchènne a la stanziona addù lu trènu me purtarrà luntanu.

Accussì è oj e accussì sarrà dumani, li juorni passene e la morte s'avvicina, fatighi sèmpe cumm'a n'animalu, ma priéstu o tardi po' te n'aja jne.

Ma tanta vote, mènte ca fatigu, me férmu e pènzu: chi me ru faci fane Ngè tanta gènte ca campa da signoru e nun vai mangu nu juornu a fategane.

E pe nu mumèntu, cu la fantasia, védu l'aréna e l'onna de lu maru, lu solu e lu ciélu papaglinu viérsu la sèra, quannu juornu cala;

E sèntu l'addoru de li curmi quann'è metuta la spica de ru granu, mènt'a ru friscu dint'a nu pagliaru me scanzu da lu caudu de la via.

Ma è nu mumèntu, e nun ngi pènzu chiune, e dumani m'auzu sèmpe cumm'a primu, juornu pe ghiuornu, finu a quannu scade quésta cundanna c'Adamu èbbe da Diu..

Aprile 1986

VIERNU FENISCE E PRIMAVERA VÈNE

Oi nèveca, dumani ngè lu solu, malatizzu cumm'é te può piglia na malatija, ma ognuno s'azzarda a gghì mmiézz'a la via, ca pare fèsta doppu a tanta squrija. Lu chiatru de re puzzacchie crepetéja, stizzelene li pisciuliddri appisi a li curniciuni, lu sangu s'arruèglia e la vicchiarèddra sènte chiù li duluri. La tèrra métte na peluria vérda e la guagliotta già addummanna lu cuculu: -Cuculu e cuculannu ca canti ngimma a ssa fica, pe quant'anni aggia sta zita? Li sauchicchi frischi sò già appisi e lu vinu é puru già ammuttatu, ma nun ngé chi se lu vève pecche l'uommeni sò tutti émigrati, Fore, a unu, a unu scocchene li fiuri e lu campagnuolo tocula la capu apprenzusu -Avèssa jlà n'ata vota?-Dici a la muglièra. Tièmpu é arruatu puru pe lu staggiunalu de turnà a la Svizzera. da vint'anni, prima d'arruà re rundinèlle, piglia re valici e se ne vai luntanu, A casa nu lu cunosci chiù nisciuni: dui misi a l'annu e pò se n'adda ine.

Li figli r'è crisciuti la muglièra
e nun s'é data mai a sentine.
Nu juornu,quannu lu maritu
pigliarrà la penziona,
turnarrà a casa e starranne sèmpe nziémi,
vicchiariéddri nnanti a lu cacciafumu
se cuntarranne li fatti
ca nun s'ènne pututu cuntà prima.
Mo puru lu figliu
se ne vole j l'annu chi vène,
accussi nun se spèzza mai la caténa.
S'assuca la puverèèàra l'uocchi nfussi
mènte prepara a lu maritu re valici:
sul'èddra sape quéddrù ca dint a lu coru tène
quannu vièrnu fenisci e primavèra vène.

Gennaio 1986

LU MUNNU DE OJ

Si nui guardamu a lu munnu de oj n'accurgimu ca è tuttu cangiatu. Nun ngi só chiù regule cumm'a na vota, puru re staggione só strambalate. A lu coru de viérnu se nfoca lu solu e a la primavera se métte a nevecà, a la staggiona, lu juórnu nnandi t'arrusti, e lu juórn'appriéssi ména acqua nguandità. Puru re gènde mo' se sò cangiate, sò chiù maligne de quèddre de na vota, pènzene a li soldi, e nun sanne c'hanne fa pe s'égni la borza, e se méttene a arrubbà. Arrobbene avucati, miédici, e pulitici, direttori de ditte e d'istituzzione. addò te vuoti vuoti è tuttu nu mariuliggiu e a li puveriéddri ngi fanne fa li sagrifiggi. Li figli studiéndi o disuccupàti, volene machina, telefuninu e discutèche, sturduti de estasi, accidene puru la mamma ca è fatto tandi sacrifizzi si nun tène chiù soldi pe nge pagà li vizzi. Tuttu lu juornu vidi gruossi e crjature cu lu telefuninu mmanu a chiacchierià. Parla, parla e parla sta crjaturama pe ore sane sènza de s'abbendà, e quannu la scheda de lu telèfunu è fenuta s'arrecarreca cu li soldi de papà. Li padri, po', c'avéssere ringrazzià Diu

si tènene na fatiha pe cambà la famiglia, ca Diu ru sape cumme l'hanne avuta, quannu védene ca la ditta stai fallènne, invéci de l'aiutà, fanne li scioperi pe la fa chiù priéstu spandecà. Li sindacati cu li cartiélli mmanu vanne allucchènne ca volene l'aumèndu. e nun pènzene a tutta quéddra gènde sènza fatiha, ca nun pote sciuperà. Li pulitici ponne fa quéddru ca volene, ca re gènde nun so' mai cundènde, aviva fa accussì, aviva fa accullì la veretà la sape Diu sulamènde. Nui alluccamu, sciarramu, féssi féssi e lore s'arrecchiscene mésu pe mésu, dicene paruluni, parlene de puvertà, ma la paga lore nu la volene lassà. Nisciuni de lore dice vogliu dane nu migliaru d'èuru de la paga mia a na famiglia povera cu li figli, ca forse nun tène mangu l'uocchi pe chiangi. Li "no global" vanne scascènne tuttu rifiutene la guerra e volene la paci, e pacificamènde cu re maschere nfacci e cu spranghe e mazze de fiérru, rombene machine, sélici e pattumiere e la capu a li puliziòtti ca re bbolene accujtà, questa la chiamene paci universale e cocche partitu dici ca s'hanne lassa fa.

Si pò li carbuniéri arrèstene nu deliuguèndu, cu lu periculu de pèrde puru la vita, truovi nu giudiciu buonu e clemèndu ca re caccia de galèra pe nu cavillu. Si nu latru te trase ncasa p'arrubbà e te vole accide, nun sia mai lu tucchi! t'è fa accide senza pupetià, sinó si arrestàtu e rumàni curnutu e mazziatu. Lu rapinatoru, ca se l'è scambata, vai arrubbènne e rapinènne n'ata vota. Quistu è lu munnu oj. E la giustizzia? Stai da la parte de chi tène chiù malizzia.

STORNELLO

Uocchi de cuccuaia mbauruta cu meco te vuoi mettere a cantare, se te re candu ju quattu canzone vivu sotta terra te fazzu j a feccane.

Pecché nun te l'accatti na velanza e te la pisi bona ssa cuscienza penza a quando gente è fattu chiangi e te cridi ca nisciuni sape niendi.

> Siesto Letizia Novembre 1989

RISPOSTA A DANTE PENNELLA

Quéddra séra de l'Ammaculata Fu probbiu na brutta serata Tutti li faùni ch'aviénne preparatu Se stutare sott'a l'acqua ventata.

A la notte, po', cu tronele e lampi Mbaurivu a tutti quandi E ju, ca te vulja menì a truà Nunn'assiétti e me jétti a curcà.

Mo Natalu è già passatu E n'at'annu è arruatu, la Befana nunn'è benuta, forse a Morra s'è perduta.

Cumm'a tè ju vogliu fa Aguri e saluti te vogliu ammannà.

Gennaio 1990

A LA VICCHIAIA RE CAUZE ROSSE

Lassa fa a mmé che m'è succiéssu a la vicchiaia, doppu na vita passata a fateà. mo' ca a Morra so arruatu cu re crjature accumingiu a recità. A fa cummedia cumm'a nu giuvinottu, cu li baffuni pe sustené la parte, me pare de turnà cumm'a na vota, ma nunn'è luèru, è sulu n'arte. E sulu n'illusione, è sulu fumu, lu tiémbu adderètu nun potè chiù turnà. Ma a bbote è bellu fa cumme si fosse ca te può métte angora na vota cumme era primu re cauzétte rosse

Sommario UNIFICARE LA SCRITTURA DEL DIALETTO CAMPANO......3 IL DIALETTO ANARCHICO5 NATALU......6 NATALU DE NA VOTA......9 L'ABBUFFATA DE NATALU......10 LU CHIATRU MMIEZZ'A LA V.JA......12 CHI STAI A LA LUCI E CHI A LA SQRUJA.....14 LI FRATI CHIÙ GRUOSSI......15 LU MURRESU A LA FRUNTIERA......16 LU SULDINU 17 RII PANII DE NA VOTA......20 VIERNEDI' SANTU......22 LU TARRAMOTU24 OUANNU NASCIETTI IU......25 LA FESTA DE LU SANTU PATRONU......26 LU NIDU NGIMMA A LA FENESTRA28 FA LA VIA C'AIA FANE29 JAMMU A LA FÈRA......30 FINALMENTE E' ARRUATA......32 LU PICCIONU......33 VIÉRNU VATTINNE......34 LA CUNDANNA......35 VIERNU FENISCE E PRIMAVERA VÈNE......37

LU MUNNU DE OJ	39	
STORNELLO	. 42	
A LA VICCHIAIA RE CAUZE ROSSE	. 4 4	